

衢州文獻集成

〔子部〕

第

144

冊

衢州文獻集成

黃靈庚 諸葛慧艷

主編

〔子部〕

第

144

冊

國家圖書館出版社


第一四四冊目錄

教兒識數不分卷(一)

(明)葉秉敬 撰

明萬曆三十八年(1610)刻本

.....



3013879

刻教兒識數序

數者何一而十百而千萬而億以
至於不可窮極皆數也數之與理
其有二耶其無二耶自談理之士
置數於度外而遂使數學為賈豎
市兒猾胥校卒之所播弄以為長
技而士多屏之不道以為高夫寧

知天下未有離理之數未有無數
之理假使一也而即可謂之十百
也而即可謂之千萬也而即可謂
之億如是顛倒錯亂數幾靖矣而
於理安耶理之所不出即數之所
不存故夫理也數也有一而無二
者也蓋萬世文字之鼻祖在伏羲

之八卦卦之畫也起於奇耦之數
而卒之相摩相盪以成六十四卦
以分爲三百八十四爻一部易經
總之爲數作註脚而萬古理學淵
源不出乎此學者欲悟理於數毋
輕讀易而第取其卦爻之畫書之
座上體認其畫中之意而徐以易

理合之然後知易之果為誰我而
數之有裨於心學甚大矣雖然此
神而明之之事者鈔於數之先者
惟先天不違後天奉時之大人足
以發此而欲遽以教兒甚哉其難
言之也愚謂兒欲成人不可不教
之識數兒欲識數不可不教之悟

理而理數合一之妙當徐俟其自
得而不可以強聒則莫若先取其
數之二三五六七十百千萬者日列
於目前而取古今故實填註於各
數之六今之因數而見事因事而
見理是雖分析時零若碎金屑玉
之瑣瑣而要以兒童之腹執數以

叩之即鍾樓縷道古今之事斯其
於學也亦已十得其二三矣況以
芑孕古今之胸而與之談精微名
理之學夫何逕遶之有吾安見夫
識數之非所以識理也吾安見夫
兒學之終不為聖學也往不徇從
水衡署中因數尋事為之羅列而


冗多未暇偶搜先哲王氏紺珠集
深為擊節曰此可急持以教兒而
間有未備者不妨隨時涉獵附而
入之以成全數可也第彼其數則
紛雜而不歸一類愚因以類相從
凡屬於二者併歸於二之類凡屬
於三者併歸於三之類斯少快耳

既已勒之成帙而猶以為數之所遺者尚多意圖從容增益使一無剝數然後為快及守開封日逐於紛紜旁午而未能卒業也州守陳君自宛丘赴汴時過帥正堂中談論治理而間以古今相證據予因出教兒識數一書以與之展閱時

州佐劉君六俱在坐並謂此書即可付梓如有增益俟後續刊予辭之而弗克也陳君遂持而玄刻板於八卦壇中

嘗

萬曆庚戌九月九日姑蔑人大梁
守葉秉敬敬君父書於希歐堂



教兒識數凡例

凡數自一以至十百千萬今取事之有數者分而記之却自二起者所謂虛一以象太極也即此而觀數之妙理見矣

事數或二或三各從其類其或有一事而二三四五相連者割裂之嫌于紛糾另立一雜數以收之如五運六氣之類是也

恒言兒不識數數止一二三四云乎識之
易矣吾教兒此數連天地萬物往古來今
都在裏面請問隸首天罡臨風康節諸先
生會得麼

編內每張止刻二事每事半幅後留空地
以便讀者於繙閱古書之時有所可採隨
意填入事屬天文則入天類事屬地理則